

uel respuerent: & uti falsum relinquerent: quod cum a pluribus
uel fere ab omnibus neglectum accēpisset: abominationemq;
falsorum deorum abū dare uideret: misit unigenitum filium su-
um dominum nostrum Iesum Christum: cuius Dei uiui cogni-
tione: uisione: palpatione etiam ex condigno medio ad eternam
beatitudinem posse peruenire deberent & sperarent: nec dubita-
rent: sed sic etiam omnia mundana deferendo ardentius Deo Ie-
su Christo toto corde seruirent: aduertentes insuper postea illa
tempora mala: in quibus demones colebantur: naturalibus sci-
entiis imbuti (ut Eusebio placuit) cum ex astronomia futura
uaticinando aliquid in se diuini esse apud indoctos autumabant:
qui tamen facile apud doctos huius scientiae cōuinci paterent:
non deos esse: sed ea naturaliter (ut in processu dicitur) prauū
disse: Partim uero contra hanc studia contradicendi sollicitant:
cum certis ac diffinitis rebus: quas non tantum mente uel ratio-
ne cernimus: sed ipsa oculorum acie aspiciamus: argumentatio-
num pugnaci dicentia resistatur: qui tamen quanto uehementi-
us pugnant: & persuadēdi uias quærunt: tātō fidem astrologiæ
uehementius fortiusq; cōmunire & corroborare probābimus.
Neq; enim eius esse uera essentia: nisi cōtra eam tantis argumē-
torū uiribus contenderetur: cementoq; uelut aureo cōprobare-
tur. Animaduerte ergo duo hæc contradicentium genera o fide-
lis Angele. Fidelis. Animaduerti inquā: sed (ut uideo) durā
admodū puinciam cepisti. Astro. Hac de causa me ipsum
sæpe repræhēdi. Deus adiutor ueritati est. Audiāmus genus pri-
mum cum id auctoritate: scientia: ac eloquentia præpollcat: cui
si Deo fauente respōsum fuerit: ipsi immortales agemus gratui-
to gratias: & secūdo facile responsa patebunt: quibus perfectis
idonea quæ ad cognitionem astronomiæ iudiciariæ cōueniāt:
diligentius explanare curabo: si cōcordem cum Christo: & eius
orthodoxa fide astrorum scientiam prius fecero: fundamentis
iactis: quod posse non despero. Accede ergo: & quæ primi ge-
neris auctores adducunt contra astrorum scientiam ostende se-
riatim: & paucis si pōt. F. Audi ergo attēte: & arrige aures. In-
quiunt primum (ut ab excellentioribus trahant originem) cau-
sam regnorum: & maxime Romani Imperii: nec fortuitam: nec
stellarum positione: quod fatum appellant: cōsistere: nec fuisse.